

BOSNIA AND HERZEGOVINA
FEDERATION OF BOSNIA AND HERZEGOVINA
FBiH MINISTRY OF DEVELOPMENT,
ENTREPRENEURSHIP AND CRAFTS

Broj: 08-11-1-1794-3/24
Mostar, 10.10.2024. godine

Na osnovu člana 70. Zakona o javnim nabavkama („Službeni glasnik BiH“, br. 39/14 59/22 i 50/24) i preporuke Komisije za javne nabavke u 2024. godini, obrazovane Rješenjem broj: 08-11-156/24 od 18.03.2024. godine, date u Zapisniku o pregledu i ocjeni ponuda u postupku Konkurentskog zahtjeva za dostavu ponuda u predmetu javne nabavke konfiguracije mrežne opreme, instalacije servera i radnih stanica od 13.09.2024. godine, Federalni ministar razvoja, poduzetništva i obrta, donosi

O D L U K U
o izboru najpovoljnijeg ponuđača

I

Prihvata se preporuka Komisije za javnu nabavku da se u cilju odabira najpovoljnijeg ponuđača po provedenom Konkurentskom zahtjevu za dostavu ponuda - konfiguracija mrežne opreme, instalacije servera i radnih stanica kao najpovoljniji ponuđač izabere „MINT ICT“ Tanja Ivanović s.p. Banja Luka sa sjedištem u Banja Luci, I. krajiškog korpusa b.b., ID 4508776980003 sa svojom Ponudom broj 02258/2024 od 01.10.2024. godine, sa ponuđenom cijenom u iznosu od **19.980,00 KM** (bez uračunatog PDV-a.)

II

Izabrani ponuđač dužan je u roku od 5 (pet) dana od dana dostavljanja ove Odluke dostaviti original ili ovjerene kopije dokaza o kvalifikovanosti ponuđača.

III

Ova odluka stupa na snagu danom donošenja i objavit će se na web stranici Federalnog ministarstva razvoja, poduzetništva i obrta istovremeno sa upućivanjem obavijesti ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama.

IV

Za izvršenje ove odluke zadužuje se Sektor za ekonomsko-finansijske, pravne i opće poslove.

O b r a z l o ž e n j e

Provodeći Odluku o pokretanju postupka javne nabavke konfiguracije mrežne opreme, instalacije servera i radnih stanica broj: 01-11-1-1794/24 od 05.09.2024. godine, Komisija za javne nabavke u 2024. godini imenovana Rješenjem broj: 08-11-156/24 od 18.03.2024. godine (u daljnjem tekstu: Komisija), dana 13.09.2024. godine objavila je na Portalu javnih nabavki Obavještenje o nabavci, broj 572-7-2-17-3-10/24, kao i Tendersku dokumentaciju, broj 01-11-1-1794-1/24 od 13.09.2024. godine.

Predmetna javna nabavka provedena je sukladno odredbama Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24), po pravilima Poglavlja V. Odjeljak A. Dodijele ugovora male vrijednosti i to kroz postupak Konkurentskog zahtjeva za dostavu ponuda, uz provođenja E-aukcije, a evidentirana je u Planu nabave pod rednim brojem 22/24.

Po Obavještenju o nabavci, do 20.09.2024. godine, do kada je bio rok za preuzimanje tenderske dokumentacije, prema Izvještaju o preuzimanju tenderske dokumentacije od strane ponuđača, preuzetog i kreiranog sa Portala javnih nabavki BiH dana 23.09.2024. godine, predmetnu

BOSNIA AND HERZEGOVINA
FEDERATION OF BOSNIA AND HERZEGOVINA
FBiH MINISTRY OF DEVELOPMENT,
ENTREPRENEURSHIP AND CRAFTS

tendersku dokumentaciju preuzelo je ukupno 16 potencijalnih ponuđača. Nakon postavljenog pitanja na Portalu javnih nabavki BiH od strane potencijalnog ponuđača Logosoft d.o.o. izvršena je ispravka/izmjena TD, Ispravka obavještenja o nabavci broj: 572-7-2-17-8-11 od 20.09.2024. godine, te je spomenutu ispravku/izmjenu TD preuzelo 6 potencijalnih ponuđača što je vidljivo iz izvještaja kreiranog sa Portala javnih nabavki BiH dana 23.09.2024. godine. U utvrđenom roku do 07.10.2024. godine do 10,00 sati, pristigle su dvije ponude i to od ponuđača „MINT ICT“ Tanja Ivanović s.p. Banja Luka sa sjedištem u Banja Luci i ARTCO GROUP d.o.o. Sarajevo. Istog dana, sa početkom u 10:15 sati, izvršeno je javno otvaranje ponuda o čemu je sačinjen Zapisnik sa otvaranja ponuda koji je blagovremeno dostavljen ponuđačima koji su dostavili ponude. Komisija je isti dan započela sa pregledom i ocjenom dostavljenih ponuda i utvrdila da su obje pristigle ponude prihvatljive za ugovorni organ.

S obzirom da je pristigao dovoljan broj prihvatljivih ponuda, a prema uslovima iz tenderske dokumentacije, Komisija je u skladu s odredbama Pravilnika o uslovima i načinu korištenja e-aukcije („Službeni glasnik BiH“ br. 80/23) dana 07.10.2024. godine zakazala e-aukciju prema kriteriju najniže cijene. Aukcija je zakazana za dan 09.10.2024. godine sa početkom u 12:00 sati. Nakon održane e-aukcije, prema Izvještaju o toku i završetku e-aukcije, ponuđač „MINT ICT“ Tanja Ivanović s.p. Banja Luka sa sjedištem u Banja Luci je umanjio cijenu za 0,1%, što je dovoljno da se pozicionirani kao prvorangirani na konačnoj listi sa konačnom cijenom 19.980,00 KM bez PDV-a. Drugorangirani ponuđač je ARTCO GROUP d.o.o. Sarajevo sa konačnom cijenom ponude od 20.000,00 bez PDV-a. Na osnovu Konačne rang liste ponuditelja nakon okončane e-aukcije, komisija je dala preporuku ministru da se ugovor dodijeli prvorangiranom ponuđaču „MINT ICT“ Tanja Ivanović s.p. Banja Luka sa sjedištem u Banja Luci.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz Tenderske dokumentacije. U postupku ocjene provedenog postupka, ovlaštena osoba ugovornog organa nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa u roku od 5 (pet) dana od dana zaprimanja ove odluke. Žalba se podnosi u najmanje tri primjerka.

Dostaviti:

1. Ponuđačima
2. Web stranica ministarstva
3. Sektor za ekonomsko-finansijske, pravne i opće poslove
4. Dosije Komisije
5. a/a

